

OMUKUETU

N:o 2

FEBRUARIE

1951

OMPUIZULI NO TE ZI TIZISA.

Luuk. 11: 14-28.

Ehokololo ndika, Jesus nkene a tiza mo ompuizuli, otue li njolelua, opo tu kale tatu mu inekele, oje omuene guoompuizuli, no tu kale tu shi shi, oshilonga shika e shi tameke manga a li muujuni ote shi tsikile sigo pehulilo ljuujuni. Oshilonga shika o po shi longue Kristus okue tu sigile mo kue tu usile eshasho ejapuki nUulalelo Uujapuki, noohapu, nezimo ljoondjo, no shilonga ashuhe shokuuvisa evangeli. Iini ma mbika ajihe otaji shundula oshilongo shomutondi, taji mangulula aantu no taji tiza mo ompuizuli. Ngashi pua njolelua Oohapu zandje itazi galuka cuala.

Uujuni itau shi zambulula nomeho gopanjama, no inau guana nokuli okumona oonkondo za Kalunga. Ihe tse mbaka tua peua no tua taamba oohapu za Kalunga, etatu ke shi mona no tu noku shi inekela kokutja Kalunga e tu pe oonkondo okutiza mo ompuizuli, okuo oshilonga shetu nokuli.

Okaana nge taka valua, otake ja muujuni moka satana ota pangele omolu uulunde. Ihe okaana nge taka shashua paugo lja Kristus notaka valululisa ngaaka, satana oku nokuza mo. Okaana taka silua ohenda omolua Kristus, shokua shashelua meso lja Kristus.

Nenge otapu ja omuntu a soluhogi, oshoka satana e mu pundukisa muulunde, nenge e mu fala momalimbililo no moosina. Otua lombuelua omukriste kehe oku noku mu koleka noku mu etela esilohenda lja Kalunga omolua Kristus. Ompoka satana e nokuza po. Ita tita ndje ngame omulunde nomukueji, ihe oku nokutita oohapu tue zi sigilua kOmua guetu Kristus.

Omuengo guoje nge gua haluka nogua kanisa omukumo gukuinekela esilohenda lja Kalunga nezimopo ljoondjo, Omua Jesus e tu usile Uulalelo Uujapuki, opo u kale u neinekelo lja kola, olutu lue lue ku gandjelua, nombinzi je je ku tilahililua. Mpoka ope neitaalo lja tja ngaaka, satana ita vulu okukala, aue, oku nokuza po.

Oshilonga shika shokukondjisa satana otashi tsikilua aluhe megongalo, ngashi Kristus muene a ti: *On g o k a i i t a a l a n d j e , n a j e u o o t a k a l o n g a i l o n g a m b i k a t a n d i j i l o n g o , n o t a k a l o n g a i i n e n e j i v u l e m b i j a k a .* Joh. 14: 12. Kristus muene a longo esimbo efupi mu Palestina amuke. Ngashi ngeji egongalo lje ote li longisa muujuni aube, oljo tali uvisa oohapu, tali topola omasakramenti, no tali kondjisa satana no tali mu tiza mo mokati kaljo. Inatu magululua natango kuje, ihe otu noku mu kondjisa aluhe.

Osho otashi gejisa satana, sho ta tizaganua ngaaka keuvisa ljoohapu no komasakramenti, onke ohe tu nukile. Nge ita mono ompito okuhita mo masakriste noku ja ruizukisa, ota jelekele oku ja zipaga nom hepeko gi ili no gi ili. Osho Kristus muene a ningilua. Oje okua tiza mo satana, ihe satana okue mu zipagisa komu shigakano. Ihe Kristus okua sindi no pokusa kue, oshoka Omuna gua Kalunga a holoka a hanagule po i ilonga ja satana 1 Joh. 3:8. Satana ita vulu okupangela mboka ji itaale Jesus. Ihe mboka kaje na Jesus, ojo otaa pangele ka ku satana no taa ka kana naje.

Muukatoliki satana oku noonkondo ozindji nokua posipaleke aantu naji. Ojo kaju uviteko ue naua oohapu nomasakramenti shoka taga ti. Ihe ugojuaantu itau nkundipaleke oohapu za Kalunga. No mokati kauo satana e nokujontuku omolu oohapu za Kalunga neshasho ejapuki tali mu tiza mo. Omauvaneke ga Kalunga itaga tenguka, nOmbepo Ondjapuki otaji longo momasakramenti nando omu topoli guomasakramenti oje omulunde.

Otse otu nokuhambelela shili Kalunga omolu ohenda ji sike mpano, hakujemata omutondi nge te tu hindi esiku limue. Osho tashi gejisa satana, otse aalunde aakueji shi tatu vulu oku mu tiza mo koonkondo zohapu ouala, nando oje ombepo ji noonkondo no ji nuuntsa. Omolua shoka oje ote tu kondeke nuuzigu. Tu mu izizimikileni ouala omolu etegelelo ndika, ngashi otatu vulu oku mu tiza mo muujuni mbaka, osho tatu ke mu pangulila muule uoheli esiku ljepangulo lja hugunina.

Tu ilorgeni shili okusimaneka oohapu za Kalunga nomasakramenti, tuaaje ga zine nando. Shaa mpoka ope momukriste tu uvisa oohapu za Kalunga, opo mpoka ope noonkondo za guana okutiza mo satana.

Tu hambeleleni shili Kalunga ngoka a tula oonkondo zi sike mpoka moshuma sha suunkundi. Omuntu omufupi shili a foshihe nguti shouala ngele oje ota jelekua na satana. Andola satana a ziminua okulongisa oonkondo ze ngashi a hala, andola omuntu kee na mpoka ta hupu. Ihe Omua Kalunga ketu oje ota ningi shike? Nomulilo guomoo hapu ze Kalunga ota tema oshihenguti shono sigo osha huama shi nuujelele neazimo li sike mpoka satana kee shi shi ue mpoka a uke andola, ihe ota kongo oshiholameno shaa mpoka te shi mono. Omolua shoka omujapostoli ta popi, ta ti: evangeli oljo oonkondo za Kalunga tazi hupisa aantu. Oljo oonkondo tazi kuja omuntu muulunde no meso no moheli no moonkandja za satana no tazi mu tembuzele muujuki no momuenjo no megulu no moshilongo sha Kalunga. molua shoka tse aakriste otu nokuhambelela Kalunga. Ihe aantu jomujuni ojo itaa mor

no esimano IjOmüua, ngashi omü profeti Jesaja a ti.

Aantu mboka ja tala oshilongankondo sha Jesus oja topoka moongundu n latu Omo mua kala mboka ja kuminua ookoondo za Kristus, oomboka ja mono esimano lje, nonke ano itaa vulua oku shi tala noku shi pulakena, nkene oohapu zouala otazi vulu okutiza mo omütondi. Esiku limue oja hambelele uo Kalunga molua shoka je shi mono.

Ihe mua li wo mboka kaaju uvite oonkondo za Kalunga nando ombolo a tameke okupopja. Ojo inaa tameke okuzilazila Jesus e shi ningi koonkondo za Kalunga, aue, otaa tameke okupopja, okue shi ningi koonkondo za satana. Ojo itaa nzinzilike nkene jo jene oja pjaganekua ku satana, sho taa tameke ngaaka okushaka Kalunga, no taa guanisa ehalo Ijomütondi nomasheko gauo.

Na nena osho tashi monika. Evangeli otali uvisua lja jela natango, naajuuki jamue tate li taamba nenjanju nehambelelo. Ihe omu na uo mboka taa tameke oku li sheka no ihaa tila satana, ngashi aakriste oje noku mu tila. Ojo otaa popi aauvisi jevangeli no taje ja lundile, ojo aapukisi aniuu. Oohapu za tja ngaaka otu noku zi izizimikila ouala.

Ongundu ontitatu ojo otaa pula omanzinziliko opo oji itaale aniuu. Ojo aanandunge noja tameke okulonga Kalunga, nkene oje e nokuninga iilongankondo je. No mokati ketu omu naantu ojendji inaa hala okutaamba evangeli ngashi taje li uvisilua. Ando lje etelua kaanankondo jomuujuni, nenge kaajenge li, nenge kaasi, nenge pua holoka omamo isiko andola nenge oshikumisa shontumba, opo taje li taamba aniuu. Oohapu zouala ngashi Kalunga te zi uvisisa itagi ja oopalele. Uune ne oohapu nge tazi holola uujuni uauo, ojo taa tameke okupopja evangeli nkene oli no kuuvisua nombili, aantu kaa lundilue aniuu. Ojo ja hala okupukulula aauvisi jooohapu na Kalunga muene nokuli

Ihe omüuvisi oje e nokupopja shoka e shi peua. Oohapu kazi shi ze, aue, oza Kalunga. Oje ita vulu okuopalela ohokue jaantu, ngashi andola aantu je mu isana e ja popise pahalo Ijauo jene. Aue, ngoka ina hala okuuva Kalunga sho ta popi, na ze mo mongerki.

Omüua muene okua jamukulile aasheki nokua ti: Kehe tuu oshilongo tashi itsile ondumbo, otashi ningi ombuga Nani aasheki aanandunge oja popi pangaja.

Ihe tse otu nokunginzilika satana oku noshilongo. Ngoka a gejisa ompuizuli jimue, okue zi gejisa azihe. Ojoka ta pulakene oohapu za Kalunga no ta longisa omasakramenti, oje ota kondjisa oshilongo sha satana. Ihe satana nge taji ku nukile, oje ota nukile ngoka ta kuutumba koluljoluua Kalunga, ngashi a lombuele Paulus sho kua ti: Saul, Saul, oshike to tizagana ndje.

Okukala kuomükriste oku nuuzigu, oshoka oshilongo sha satana tashi mu sikawene. Shaa mpoka oje ta tizua molu esimano lja Kalunga, oje oti popile shili.

Kalunga na hambelue shokue tu tumine Omüuana ngoka ta jono po iilonga jomütondi, na shokue tu tumine oohapu tazi tiza mo ompuizuli no tazi tungu oshilonga sha Kalunga mokati ketu.

Martin Luther.

AAGUNDJUKA TAAI INJE. NGE.

Omualu gaaagundjuka mboka taa holoka mooskola zamati no zaakazona tagu koko tuu kashonashaa omümuvo. Jamue ja tameke okutonatela oshilonga shelongo, ihe oje ndji otaa kosa natango. Tu pendulasheni shili mpok, oshoka esimbo lja ningi efupi. Tu hakaneni elongo Ijooohapu za Kalunga, oshoka ozo azike tazi kala po ihe uujuni auhe tau hulu niinima jauo.

OOMBRIVE

Paulus Muatongue, Orangermouth, ota hambelele Omuene Kalunga sasi a jandja Omona uaje nOmepo Ijapukitai tu minikile.

Teofilus Nekuku te tu dimbulusa tu puilikine nomuenjo ua shili eendjovo da Kalunga.

Martin Shatipamba a tila omütendi ngoka kee nohenda no he tu lapgele, nokua hala tu game ku Jesus ngokace nohenda.

Sema Simson, Omaruru, a haluka omolu aauambo ja li ja kolua no ja kondjo no ja falua mondolongo no ja futiguakaapolisi. Oje ote tu kumagiza tu takamisa okikala kuetu koshipala sha Kalunga.

Herman Hakalume, Swakopmund, a njanjukilua ukotele uoohapu za Kalunga no uomauvaneko ge.

Jesaja Shidjoba ota ti: longekida omuenjo uoje osesi eujo IOmükulili tue li ehenifilua.

R. Esau, Tsumeb, te tu halele enangeko noupuna no tu kale ngashi ovanjasa voujelele.

Johannes Amuele, Tsumeb, ota ti: ovakuetu ovahoolike tua kanifa ounjasa uetu, tu jambukeni.

S. T. Shipanga, Swakopmund, te tu zimbulusa nkene kehe gumue oku nokusa, tu kale tu ilengekize ku jele.

Tobias Nuujoma, Uukuambi, a hala tu igandje ku Kalunga ope ukriste uetu u monike no megumbo.

Salomo Saduka, Orangermouth, ote ta zimbulusa tu konge Omuene manga pe nesimbo.

Johannes Hamunjango, Orangermouth, ota hokolola ta ti: onda ku mua sasi odiamande i li mokati ketu, ndele tua njeng'a oku i mona. Omüni h tu i kongo tu i moue odiamande tai vadima ojo onjofi jingul tai minikile, oje Jesus Kristus, Omuupiti.

Moses Tobias, Swakopmund, ota ti: Tu nokuigameka Omüua, oje ouke.

Johannes Namadi, Marienthal, a njanjukua Kalunga sho te tu isana natango, esimbohenda sho inali pua.

A. Kueenda, a hala tu kale tu neinekelo okukondela omüshigakano.

Jairus Sviujulo, Tsumeb, te tu lombuele tu ziginine oohapu za Kalunga tu zimbulue oshikaha she.

Gebhard Kauluna, Tsumeb, ote tu pula otashi kuasa shike omüntu nando i ilikolele uujuni auhe, ihe ota kanisa omuenjo ge.

Asser Ananias oku noshimpuju omolu aantu ihaa ja komambo ku jele ihe otaa ja no taa kuzi e oojakuato mboka ja gongala naua Omütondi oji embungu tali tu langele apine.

Mikael Shikes o a hala tu ha mbelele Kalunga nomuenjo guashili.

Jason Namita, te tu kumagida tu konge Omuene nomuenjo ause.

Josef Jakob, oku noshimpuju omolu aamati taa kongo esha ho omolu ez zina epe, ihe okulesha kaje shi shi.

E Kambonde, ota ti: Aaholike tu kambazaleni okukondja olugozi lueitaalo oshoka oku na shoka sha hala oku tu kuşa mondjila jehupišo.

Johannes Namuandi, Orangemouth, ota hokolola oluhozi luano momuezi September omüuambo gumue sho a mana oondjenda ze a azika a lala oomuezi omülongo omolu omükişi. Omünganujera gumue a mono oshiponga nokua teka okooko kue.

A. A. Komeso oti igana: Ileni kemasnja ljhupišo.

Isak Johannes mu Johannesburg a mono nkene omüntu a sile momiina esiku a tameke ilonga. Tu ilongekişeni shili tuu azike keso ljombazilila.

Sakeus Ula, Windhoek, a hokolola nkene oshilema nomüposi oja kuaşaşana sigojaki koshituşi shOmüua. Ando tu kuaşaşane ngaka mondjila jomeguu.

Erastus David, Tsumeb, okua hambelele shokua mono ekuataşano na Kalunga.

Simson Andjene, Tsumeb, ote tu halele tu kale tu uza uupenda nokutseja kuaajihe.

G. Gottlieb, Orangemouth, ota ti: Ovakriste kuateni omauta eni meitavelo la kola. Oshikcko sha ehena no tashi tameke oilonga jasho.

Immanuel Filippus, Outjo, a hala tu kale tu neendaşano na Kalunga tuuaze mu zimbue miilonga jelu.

Pinehas Hamutenja, Tsumeb, ota ti: inamu pangula opo muua pangulue.

Elieser Petrus, Orangemouth, okua li moshilambo pamue naauambo jaali ekuma sho lje ja guile luuali nokuli, ihe Kalunga okua holola oonkondo ze najehe oja hupu.

OMÜUA E JA SHI MBOKA JE.

Ngashingeji uujuni ua fa u li pchulilo u hule po. Ngele to tala e to konakona iinima ajihe nokukala akuhe, uujuni nkene u ii po, otaku kumişa, no taku tilişa no kuli aalanduli ja Kristus mbo taa ende no ndjila jehupišo. Eşimbo ndika euinaji u nene, oshoka pe na omalunduluko omiinaşji ngoka inaga opala no taga limbilike oşjendji muukriste uauo. Eeno, aakuluntuşkriste jashili ja tila mokutala evundakano lja tja ngaaka, nosho ekano lja fa lja heda poşpepi noşjendji li ja pone, nekuaşo lja Kalunga lja fa kali po ue okugalula aakulilua je taa ningine muulunde nomeso ljaalwe. Nando ngaaka, Omüua e shi mo mboka je no te ja hupişa (2Tim. 2: 11—12). Nando kua luuda nuujuni ua lunduluka, omükriste gua shili ita tila. Oje ta pulua egalikaneno okugalikanena mbo taa kana

ju ule ku Kalunga ja lupişue kuje, ngele tapu adika eşimbo natange. Lesha eimbilo 4:8 mehanganano.

Toivo Jesaja.

ONE OOTAAL JA JESUS KRISTUS.

Aakriste ojakuetu tu galikaneneni shili otse mbaka aagundjuka, oşoka inatu tseşja sha, no tua zina omapukululo nomakumas gizo gomoohapu za Kalunga. Onke ano inamu vulua. Akutu, indiia kOmüua Oje e tu tumine Ombepo je, tu zimbulule uuanaua tau ja. Natu peue oonkondo kOmbepo ja Kalunga, tuu hokue eaşimo ljuujuni mbuskal

G. A. Shipanga, Walvisbaai.

EGAMENO.

Esiku limue otua ji kefuta, otua şikama komunkulo, otua li tatu tala iinamuendo jomomeja. Mokutala kuetu iinima mbjoka oşja ji momeja, ojo oja li oşjindjişindji. Ihe oşjindji şoka ja ji mo, omeja oge tu nukile, no ge tu sikile, nenge ge tu şitikile keşkololo ljondendu. Mokupaşima kuandje onda mono jakuetu jatatu oje li koshi jomakuşikuşi.

Omeja oga şuna nondu uvu eul lja poşpile meşuno ljomeja lja ti: Inamu tila, oşndjahi ja Kalunga te ji mu jeleke. Omeja oge tu eşa. Esiki ndjoka olja li oşondaha 8. 10. 50. Otse otua şuna nokutila. Şo tua şiki kegumbo otua galikana, şoka Kalunga e tu hupişa meso ljomeja.

Ihe oojakueta, zimbulukueni egelone ndjahi ja Kalunga oji li po je tu lalala keşhe mpoka tu li. Egalikano ljandje Kalunga okue li uuvu. Kalunga a tangue aluhe.

Gabriel Sakaria, Orangemouth.

AANTU AJEHE NAA GALIKANENUE'

Medina ljOmüua tatu mu tsejişa, noştuua hala eindilo ku ne aakriste aauambo. Otse aamati aauambo mboka hatu longo mevi ljUushimba tu li po, tua fa ongombe ndjoka ondjenda ja ji moshigunda ihaji kala mo şhito.

Jaijee, nkene tua kala moshigunda şhokal jaijee, nkene tua tsua naji moshigunda şhokal jaijee, sho tua edililua mo no itatu uapa ue okuza mol jaijee, sho tua dimbua koshigunda şhetu şhoka şhomemel

Ngashingeji tua taamba omikalo doşhişguana şhika notua ende noondjila dauo. Jaişjee sho tatu njanjukilua omikalo dauo, nando otse otua jile mo, inatu hala okukala mo mokati kauo, jaişeel Jamue jomutse tua faşaşana mepuko, ngashingeji omuele gua galukile okutsa omuene guago. Oşho ano okukala kuetu kua ningi okudigudigu, oşoka tua kala moshiguana şhoka sha paşndula uu'unde nosha hala oku u longela şigo aluhe.

Onke ano sho ndi indile ekuaşo kune, oşhoka nda mono kutja ne natango omua tsa ompango jimue nOmüua.

Onke ano aakriste aauambo ikoleleni mOmüua.

Omakundilo gomu Jesus Kristus.

Simon Kafupi Samuel.

P. K. Bus 81, Keetmanshoop.

E J A M U K U L O .

KUushimba kaauambo jomehalakano o kua zi oombrive odindji da njolelua omagongalo gomOuambo. Dimue do mu do tadia pandula euiliko ljoimbepo ja Kalunga moshigongingerki jaaambo mEngela 1950. — Noonkuauo tadi njenjetele omauugompingo gasho.

Onke, medina ljePangelongerki jaaambo "Omükuetu" ta jamukula oombrive doka nokuhalela ajehe mboka naapanjuli naanjenjetele ejambeko lja Kalunga nombili jOmüua guetu Jesus Kristus ji ja indjipalele.

Omuleshi oto ti ngini? Enjanju ljehoskaniso ljaakriste ohali etua ku shike? Noonkondo dondjokana jopakriste odi li peni? — Moombrive dimue do kUushimba omua holoka ongejamukulo komapulo ngaka kuztja: Omiikoliša ojindji, omo tuu oondjokana daakriste tadi mono uuanaua auhe mbuka nelago ljado. Iikoliša ngele kaji po, aakriste aniuu itaa hala ue momagongalo gajta ngaaka, otaa tembukile mpoka pu miikoliša. Osho tuu?

Oondjokana dodene oda za peni? — „Inamu lesa nani Omushiti okue ja shiti petameko omülumentu nomükiintu nokua ti: „Onke ano omülumentu e nokusi ga po ohe na jina nokuimangeleka komükiintu gue, nojo mbaka jaali otaa ningi onjama jimue". Osho ano kaje shi ue jaali, aue, onjama jimue. Ano shono kaunga e shi tula kumue shaa kusue kumue komuntu." Mat. 19: 4—6.

Nenge enjanju lja Kalunga okunjanjukilua eshito ljondjokana ngashi tali monika moohapu de dino: „Omüua Kalunga okua popi nokua ti: Omuntu ino oopala a kale auke, onke onda hata ndi mu shitile omukuaši e mu oopalela" Gen. 2: 18. Dino inadi guana nani okunjanjuda nguka ue shi peua: Oto pumbua tuu shili osugnedela ko manga iikoliša opo u di njanjukilue?

Iikoliša kaji shi nani inonga jonjana mbjo ji igalala: Gal 5:19—21. Omüjapostoli ota ti ngini kaarooma 8: 13: „Oshoka ngele tamu kala panjama omu nokusa, ihe iilonga jolutu ngele tamu ji dipagisa "Ombepo ota mu kala mu nomuenjo." Nani Ombepo ja Kalunga ngele ta kondjo a dipage mo iikoliša momagongalo, nani osho „okushundula egongalo" ua ti, noku li fupipika nokusitika osheelo shaljo muua jime ue, ua ti?

Eeno, ngele ku na mOuambo egongalo li noonkondo daljo miikoliša, osheelo shegongalo lja tja ngaaki nashi sitikue shili, oopo aakulilua ja Jesus Kristus tuua je mo, no tuua ka kanene mo. Oshok okua njolelua: „Oonkolui itaa sigulua oshilongo sha Kalunga. Inamu puka." 1Kor. 6: 9—10.

Kombinga jiiigandua jegongalo: Atuheni otu shi shi iiniue ajihe jegongalo ojo je etua mo ku mboka haa siminikua kohoole ja Kristus no haa gandja nomuenjo aguhe jaa nomangungutulo, oshoka je shi shi: „Okugandja oku nelago komeho gokutaamba." No je shi shi uo Kalunga okue shi tula po oshinakuguanisua shomukuanegongalo kehe okugandja iigandjua jokukolekiša egongalo. Oshinakuguanisua shika ooitaali ojendji je shi tala osho ohenda onene okulonga ngeji pa

mue na Ka'unga. Ihe ngele epukululo ndika tali talua tali zi mokahalu keliko kaalongis hapu (ngashi oobapila dimue da ti) nena ngono te ehama momuenjo gue, ngele ta, ulua oshinakuguanisua she, uuehame ue otau zi peni ano? Ha mokahalu keliko?

Tse otu shi shi embo ljiigandua ndjoka lja kala miinjanga jamagongalo oija za meimbo enene ljiigandjua mOmanjolo Omajapuki. Kuša oramata joje u tale mepistoli 2Kor. 8:1 mpoka pu njolelua „Otatü mu hokololele aamuatate shono esilohenda lja Kalunga lje shi longo momagongalo — —." Lesha contopolua adihe doka onti 8 ajihe nonti 9 ajihe n. sh. t.

Kundilueni po mOmüua Jesus!

Vilho Kaulinge.

ESHASHO LJA AUAMBO

Mu Brandberg mua shashelua auambo luaali nokui omümvo nguka guarii. Eti 6 lja Juli mua shashua aamati 27 no mua kolekua 6.

Nisheee eti 20 lja November mua shashua aamati 35 no mua kolekua 18. Omülo: gi guauo oje A. Aron. Omua kala ošituši ošiuuanaua nenjanju enene.

Mu Tsumeb mua shashua 55 no mua kolekua 54.

Osho ngeji Omüua Jesus ota kongooonzigona ze. Tu kaleni noku ja galikana nena shili ajehe mboka opo ja shashua, ojo ja kale taa koko mokutseja Omüua.

ESO IALI ENDE.

Ku Walfisbaai omütakumi a guile mefuta nokua sile mo.

Ku Luderitsbaai omükuanjama a sile momeja no mo Orangemouth mua sile aamati jaali.

Tu kaleni tua tonata, oshoka inatutseja esimbo notunti Omüua ote ja.

Mu Walfisbaai omülumentu a nu iikoliša nokua tala molutenda a koša. Eshina lje ja uosiku, tali kugu noonkondo, ihe a koša sigo a tetua pokati, a si ngeji ombazilila.

OKRISMESA

ja pti. Tua njanjukilua o uvalua kuOmukulili, oje shokua ningi omuntu a guanisue oshilonga shekulilo ljetu. KOuambo kua kal iitusi iivanaua megoongalo ke e, ihe osho uo nokiiitongo iikuaavo. Auambo otaa hokolola iitusi jao uo mu Brandberg no mu Luderitsbaai no mu Orangemouth. Oja li ji ilongekiza naua, sho ja gongalele koohapuzOmüua. Omaimbilo uo ga li ga longekizua naua, onke enjanju uo lja ningi enene. Oshipala shomagundjuka kehe osha azima kenjanju.

No sigo ku Kaapstad kua kaa enianju enene lja Krismesa. Noak Sakeus okue tu njotele nkene a njanjukilua shili, „sho tu noivilo, sho tu nokrismesa, osesi so sua unene no si nehafo la jela."